

### Modlitwa khorcho, kiž so s kšchczeniskej hnadu trošchtuje.

Anježe Božo Wótcze, Ssyno a swjaty Ducho, mi,  
 twojemu džěšču, so tač dže, so na swěcže žaneho pomoz-  
 nika wjazy njenamašam; ja so sa pomozu roshladuju; ale  
 nihtón mi njepomha; teho dla pač mi njedyrbi wutroba  
 spanycž, ale chzu wjele wjazy k swojemu njebjeskemu Wótczej  
 hieč a jemu swoju nusu wustoržicž. Džěcžo w strachu  
 k swojemu naněj khwata, a poddan k swojemu kralej; tač,  
 mój Wótcze a mój kralo, pschikhadžam tež ja k tebi. O ty  
 trojenicžki Božo, spomni tola na to, so swym twoje džěcžo,  
 so swym kšchczeny, so swym w swjatej kšchczenizy s tobu sľub  
 sežinił. W tutym sľubje swy mi sľubił, so chzešch mój  
 wóczěz bycž, so chzešch so jačo wóczěz sa mnje staracž,  
 mi pomhacž a so jačo wóczěz nade mnu wopokasacž. Ty,  
 o Jesu, swy mje se swjatej krowju wotmył a mje sľubnju  
 twojeje došonjaneje prawdošcže woblekł. A ty, swjaty Ducho,  
 swy so bohacže na mnje wulał a wołajch hišcže w mojej  
 wutrobje to Abba, luby Wótcze, a swědcžišch s mojim  
 duchom, so swym džěcžo Bože. O ty trojenicžki Božo, hlaj,  
 tudy pschikhadžam k hude džěcžo k tebi; nan a macž mje wo-  
 pusčezitaj; moji luby a pscheczeljo mi nješamóža pomhacž:  
 duž, mój luby njebjeski Wótcze, so twojej hnadže porucžam.  
 Tamny kralowski so smili nad swojim synom, kiž běšche  
 na smjercž khoru, a so prózowasche jemu pomhacž; ach  
 mój Wótcze, tač smil so tež nade mnu a pomhaj mi.  
 Tamny nan, kotrehož džówka w mrěcžu ležesche, džěšche sa  
 Jesušom a džěšche: Anježe, moja džówka je nětk wumrjela,  
 ale pój a polož swoju ruku na nju, dha wožiwu. Tač  
 tež ja, mój Božo a Wótcze, sa tobu k hódžu a praju:  
 Je-li s twojej wolu, je-li mi k dobremu, dha wustrow mje